

Mendillorriren esnatzea

Iruñeko auzorik gazteenean azpiegitura falta dagoela salatu du Mendillorriko auzo elkarteak

Iruñeko auzorik gazteena dugu Mendillorri. Zazpi urte besterik ez ditu eta bere bizilagunak oso gazteak dira. Mendillorri, lo egiteko ezezik, bizitzeko ere nahi dutela erran berri du Mendillorriko auzo elkarteak. Badituzte etxebizitzak eta berdegune zabalak. Orain bizitzeko azpiegitura egokiak behar dituzte. Mendillorritarrak egunero esnatzen dira eta ohatzera joan arte eguneroko bizitza euren auzoan egin nahi dute.



ERRATEN EZ BADIZUTE, EZ ZARA HORRETaz ohartuko; baina Mendillorri, 10.000 bat laguneko Iruñeko auzorik gazteenean, ez dago plaza nagusirik. Eta horrela, zaila da auzo bat «egitea». Halaxe uste dute bederen, Mendillorriko auzo elkarteak. Iragan astean mendillorritarren kezka iruindar guzietan ezagutarazi zizkieten.

Horrela idatzi dute Mendillorriko azpiegitura eta baliabideen historia: Hau eta beste egiteko proiektu polita zegoen; baina proiektu hori norbaiten kaxoian gelditu zen ahan-tzita; bitartean, proiektu hori egiteko erabili behar zuten orubea eta dirua beste zerbaite-tarako erabili zuten; proiektua goitik behera aldatu zen; eta, azkenean, egin egin zuten, baina berandu, eta bizilagunen beharrei ba-tere jaramonik egin gabe.

Halako zerbait gertatu zen Mendillorriko kiroldegia proiektuarekin. Arras kiroldegi handia eta ederra egin behar zuten. Baina, azkenean, kiroldegi txikia eginen dute eskolen ondoan. Hau da, eskola orduetan ezin izanen da erabili. Eta gainera, trinketea erantsiko diote. Gauza jakina da Nafarroa Garaian oso jende guti aritzen dela trinketea eta, horregatik, frontoi arrunt bat nahiago zutela erran dute auzo elkarteak. Baina, Iruñeko 2002ko pilota mundialerako trinkete bat behar zuen eta Mendillorri egitea otu zitzaion agintariei. Euskarazko haur eskolaren, edota ikaste-txearen, edota balizko kultur etxearen his-toria antzekoa da.

«Udalak ez ditu konpromisoak bete»

Mendillorri Iruñeko auzo izatera pasatu zenean, Udalak eta Nafarroako Gobernuak hainbat konpromiso hartu zituzten, hala no-la, kiroldegia, haur eskola edo li-butegia egitearena, esate baterako. Auzo elkartearen aburuz, gauzatzeke daude oraindik konpromiso horiek. «Horiek garatzeko batzorde parekidea osatu behar zuten Gobernuak eta Udalak», esplikatu du auzo elkarteko kide Mertxe Lorenzok. «Baina batzorde hori oraindik ez da bildu. Ez dute inolako asmo-rik gauzak aurrera ateratzeko».

Arestian erran bezala, Mendillorri oso auzo gaztea da, eta, elkartearen iritziz, azpiegiturek eta baliabide-ek horretara moldatu behar dute. «Hemen ongi bizi gara, baina belarra besterik ez du-gu», erran du elkarteko lehendakari Ana Amatriak. «Haurrekin paseatzeko oso ongi dago, auzo lasaia da, baina haurrak behin haziz gero, akabo. Hemendik hamar bat ur-tera haur horiek guziak gazteak izanen dira, milaka gazte, eta horretan pentsatu beharra dago, Mendillorri ez baitago instituturik».

Auzoen eredu klasista

Amatriak komentatu duenez, Udalaren ja-rreraren gibelean «auzoen eredu klasista» dago. «Haien lehentasunak beste nonbaiten daude, erdialdean edo», dio Amatriak. «Ere-du horren arabera bazterreko auzoak baz-terturik gelditzen dira». Iragan asteartean UPNko gobernu taldeak Iruñeko Udaleko 2001ko aurrekontuen aitzinproiektua aur-keztu zuen. Denetara 24.190 milioi pezeta gastatuko ditu Udalak «hiriaren erdialdea biziberritzeko eta Iruñeko auzoak promozio-natzeko», Yolanda Barcina alkateak erran



Mendillo

Sorrera

Lehenengo biztanleak 1993ko udan ailegatu ziren Mendillorri. Eguesibarko udalerriaren barnean zegoen Mendillorri orduan. 1997. urteko bukaeran Mendillorri Iruñeko beste auzo bat izatera pasatu zen. Egun urbanizazioaren laugarren fasea egiten ari da.

Bizilagunak

Azken erroldaren arabera, Mendillorri 9.379 bizilagun ditu. Auzo elkarteak dioenez, horietako 2.300 urtetik beheitikoak dira, eta horietako %25 0 eta 100 urtekoak dira. Laugarren fasea bukatutikoa da 12.000 bat bizilagun izanen dira Mendillorri.

Etxebizitzak

Mendillorriko lehen hiru faseetako 3.015 etxebizitzak